

師荔廉詩集

卷

四三二

師荔屏先生詩集卷二

雲南叢書集部之三十三

滇西師 範荔屏

芙蓉館存稿

重遊盤山再賦五古四首

名山如佳人窈窕悅心目嶽嶽古田盤五峰互起伏我行越無終幾載遵其麓舊游殊未暢茲行喜重續是時雨初霽巖壑染新綠間以桃花紅姿媚春旭天藻耀日月恩輝被草木位置近畿輔容易邀寵渥言尋垂虹澗孤塔發遙矚閣小插天高橋危抱溪曲水激若挾勢石怒且聚族水石爭不讓奇響震修谷當此萬慮消問

自元月全書卷二
路記東竺屢停松陰晨光契幽獨

遙指定光塔相隔僅數武手舉若可捫動步猶修阻轉
壑復跨澗孤筇已憚拄瞥見後溪雲飛作前溪雨林木
互虧蔽昏旦錯寒暑何處風吹衣入此無人士樵子忽
致言草間方卧虎欲暢山水懷那惜登頓苦揮汗起振
襟餘勇復一賈

攬衣步山椒孤塔何崢嶸金塔貯佛牙荒唐非人情對
此大宇宙寂寞悲浮生落日昭漁陽蒼茫野色橫羣山
西北來蕩蕩青難名白雲忽散漫微辨秦時城薊州與
平谷如碁列楸枰胸懷得一放長歌答松聲子春薄軒

寔衛公耀簪纓二者俱不作空聞盤泉清手招雙黃鵠
御風天際行

不見青溝僧徒吟青溝句木蛇並山豆猶能指故處生
平遊覽心巖岫諳其素世事苦牽促仍復問歸路引領
眺西嶠精藍不知數下坂客跼脚披榛僕窘步徘徊松
橡間何時再一顧殊怪雲間鶴直穿翠微去

聞故人矣華峰之卒詩以悼之

矣子吾鄉特負質本魁岸視與俗人偕如以冰對炭衣
兒見古樸文章極絢爛小試輒冠軍譽早隆里閭記在
癸甲間捉筆共几案况屬祖父交出門卽相見每挈簪

巖生過從不知算草廬可三畝園場割其半閑庭柳色
中疎籬秋水畔入室各就坐事無煩飲饌茶甘酒舌本
把卷起辨難時或出元解獨往矜博辯雄談引清風辭
達旨亦貫燕山忽跨蹇流光暗中換空抱索居感道遠
魚鴈斷那知瓊樹姿忽焉就漫漶嗟彼青紫徒詎當君
一盼乃以抑鬱終天亡罪非戰生爲翼亭英死作水府
判華峰臨卒時自
謂爲水府所召神道固難測此理恐虛幻惟念生平
懽援琴起長嘆目極西南雲精靈應未散

笏巖師復以卓異至都夜過寓邸賦呈四十韻

弟子名偏拙先生道獨親再逢皆萬里小別亦三春袞

哀嗟前事悠悠笑此身但求收賈誼那復羨王珣憶昔
披雲日初當折桂晨菲材叨剪拂哲匠妙陶甄謬許南
中傑高登席上珍詩陪蘇軾賦經向馬融陳琴劍征途
啟冠裳帝里新頓思騰弱羽寧致老潛鱗一蹶魂猶悸
長鳴志未伸趨庭餘筆墨挾策走風塵杖履重相接文
章始見真艱虞浮蜀水慷慨咏銅人丁酉春以運銅至
都有集名銅人咏
曲演玲瓏玉香侵鑿落銀詞壇瞻跋扈酒陣怯逡巡忽
向青門外言歸北海濱夢迴江閣淡雪映影酸辛離索
工爲客追隨僅浹旬所期堅示抱聊以謝洪鈞螢聚虛
窓曉書攤斗室勻靜招秋月玉關白鷗隣石性誰能

轉龍心詎肯馴尋山安冷眼運甕養榮筋後進紛假薄
卑棲異隱淪卞和終戀楚張祿更遊秦藥榜綠仍仄瓊
林望欲湮每懷金鸞驚恥作書麒麟旦喜朝天王歌驚
斫地頻光明沿險阻舉動露嶙峋先此中途曾羅愧我
狂如故翻云詰已純燭斜山壓戶話八淚盈巾無路酌
知己何時置重津乾坤開盛世禮樂擁儒臣原憲羞稱
病揚雄尙守貧坐施花政事卧試藥細綸跌蕩情堪憫
蒼茫興有神持躬悲鹿鹿善誘感循循意氣由來合輕
肥不足論燕臺今夜景垂象在星辰

送隨軒師入覲後復還粵東

十年前已到龍門坐擁臯比笑語溫剖璞披沙期見寶
名花美酒伴尊星雲遠識先生氣風雨深懷國士恩
報德無從猶漢落雞聞午夜感劉琨

帝遣儒臣察外台海天重喜節旄開

時復任南韶

榴花風送

雕輪去荔子香迎赤蓋來使者况傳三禮主部民應觀
九齡才韶陽樓上題詩坐管領江山實快哉

送南國太史典試粵西

皇帝四十五年秋詔啟棘院開大比漢庭使者三十二
手挈玉尺校諸士首滇黔次卽廣西禮臣名上黃紙
御筆親題邵晉涵副以昆明小錢子

鄉人台京師者皆呼南國爲小錢公

以別于昆
浦閣學云錢子通籍今十載日日株守長安市

南園曾作守株

圖小照扳提宋屈騷壇刻畫蘇韓時詞墨鄉人盡識相

如文就中謬謂我知己策蹇西來荷藥紅看君乘傳真
色喜粵山奇峭甲宇內瑤蓼拔地有沙埋國家聲教早
四治生材豈或限邊鄙巨胆况軼謝深甫力汰瓦礫揚
糠粃鈴閣秋晴桂飄香絳蠟高燃列侍史越網翻波得
珊瑚郢斤運風度杞梓試席坐倚獨秀麓羣巒翠蒼羅
案几雄篇迭出抉窾奧不數稽范之所紀祝融曉日蒼
梧雲時復飛來滙腕底壯遊如此方不惡雙旗赤蓋亦
偶耳南歸拜命明光宮以人事君於是始

對酒

幕天席地酒爲名得失何庸判老兵尙慎旃哉懷阮籍
侯誰在矣有公榮杯浮綠蟻騰騰煖甕撥春雲泠泠清
把向花前拚一醉不須仍聽晚蛩聲

咏愁

不識愁來路憑高輒自疑江山坐搔首風雨罷銜卮書
客心多感將軍數本奇天寒人倚竹更有淚如絲

秋漲行

七月十八夕末夕婦子相對少人色簷前落雨甚翻盆
海雲塞天天盡黑紫電煌煌金蛇飛蛟龍起伏雷霆威

裏頭強卧吾不敢屋瓦欲倒燈無輝車騰馬驟聲何處
青灤決岸橫奔注才聞街南漂大宅又報街東沒高樹
是時候霽殘日明小船破浪牆罅行累瓶架木安老稚
四面水聲圍哭聲此事生平未到眼平地成川漲不淺
秋禾半熟棉滿田紛紛一概歸席卷我廬無恙撐西風
蝦蟹來游小院中但念編戶饑寒迫十家九家逃關東
防河使者中朝彥露冕檀車宿郊甸去年河決徐州府
前年河決考城縣疏濬導汴懷良圖神禹之功絕代無
長菱日塞胡爲乎

數年來硯北南池簪巖屢有寄贈雨窗悶坐率筆

和答

五更紅日上衣來

硯北寄予句也

好句吟成亦壯哉空見斗間

纏紫氣誰從爨下辨名材滇池春暖彈冠出燕市秋高

射策回坐對家山還念我呼鷹又過李陵臺

右答硯北

清絕彭郎魏晉才會聞抱病古城隈竹聲蕉影人將老

南池一號竹林且榜其齋曰雪蕉書屋

寒雨疎燈夢不來草綠燕畿同試

馬月明滄海獨登臺相逢相失全無定日取君詩讀一

回

抱琴仍理舊生涯金馬坊前暫作家

時客兩松觀察署中地主還

應似嚴武才人原不讓張華冷吟灤水四年月閒坐小

齋三徑花萬里憑誰破岑寂離心欲化海門霞

右答南池

別來贏得病纏身腸斷關雲與塞塵閉戶不忘天下事
舉杯誰是眼中人晚花香處霜初勁叢雁聲邊月又新
幾度相思隔秋水夢回猶認小山春

貂裘貂帽犯嚴寒率耳溪頭日據鞍舄鹵潮迴青兔起
荒原風急望鵬盤飛揚更有何人並身手須從此處看
恨不遲君同躍馬共兜長劍過烏丸

江湖廊廟各成家不賦黃華賦白華我亦懶於嵇叔夜
君方屈似賈長沙尙餘奇氣凌天馬時倚幽懷贈菊花

回首城南三畝宅晚山青擁畫樓斜

右答簪崖

偶有海濱之遊率賦五律一章示諸同志

攬轡得新霽沉陰風掃開潮平初日上木落遠山來忽
到熬波地空懷作賦才魚龍如識我爲結小樓臺

是日適觀

海市

哭湘潭唐若村

挂席湘江願遂違

予曾簡若村云挂帆湘水上還許一相尋

卽今物在已人

非澧沅霜重凋香草翼軫天寒殞少微生不逢時今更
死老猶作客幸先歸詩篇只恐成零落空有閒雲鎖舊
扉

吁嗟桑扈返於真此後無須論富貧沽水傳書方隔歲

潞河移棹記初春劇聞江畔招瓢客卽係生前哭世人

地下若還逢令子文章重証再來身

右村有才子當若村客津時卒於家

中

對月

西風院落晚生寒獨向窓前舉首看四十九回團後月

於今添見廿回團

予舊有句云自從爲客後四十九回團

哭劉霽軒師

枉作當年纓下桐抱經人易感春風豈知一別成千古

坐歎驚波撼斷蓬婚嫁生前殊未了田園死後總歸空

先生於甲午春曾寄詩云田園容易歸彭澤婚嫁殊難了向平

徒將萬里羊曇淚洒

向寒烟落照中

七載燕畿汗漫遊
感恩無路向西州
青林黑塞人長往
吳雨滇風恨未休
誰信屈原能作賦
空餘宋玉與悲秋
招魂酌盡毘陵酒

師毘陵人

散髮荒郊痛蹇修

金臺折柳集存稿

飲酒雜詩

松柏有本性不作桃李姿
鴻鵠有遠志不求鸚鵡知
士苟負獨行身心互相師
寧爲愚者笑無爲智者嗤
卽令智者嗤所抱誠難移
落落萬古胸誰當發其奇
橫琴坐南窓仰見春雲馳
仙人喬與松浩邈非予期
且復酣美

酒乘化樂天時

我家亦江西開門見青峯晚烟媚水石曉日明雲松曳
杖小徘徊麋鹿時相從一朝作遊人萍蓬慨羈踪坐拾
滄海月卧聽盧龍鐘驚飈變昏旦積雪無春冬引領望
鄉里崎嶇隔千重何時決歸計長作莘村農

予居名莘村

浮生已三十落拓尚如此翹首光範門欲進羞舉趾讀
書貴扼要作事貴謀始所見苟不定徒供後人恥纍纍
江南橘渡江化爲枳化枳何足惜地氣戕物理懷哉呂
尚父垂竿渭之渚方其未遇時是一細民耳

長安帝王居宮闕何嶙峋衆星拱北極九門飛紅塵塵